

# ՅԱԻԵԼՈՒԱԾՔ

## Ա.

### Մ Ի Ա Բ Ա Ն Ք Ե Ի Ա Յ Ց Ե Լ Ո Ւ Ք

## Ա

**ԱԲՐԱՀԱՄ ՎՐԴ. ԳԱՂԱՏԱՑԻ.** — Մը. 1631ին. Ս. Յակոբի վանքն ունի պատուական քարերով զարդարուած կիտուածաւոր սկիհ մը, որուն յիշատակարանն է հետեւեալը. «Ի վայելումն ս. սկիհս Գաղատացի Աբրահամ վարդապետին ի ՌՁ (=1631) Փրկչի թուին» (Յուգ. Պ.):

**ԱՂԱԻՆԻ (ԱՅՐԻ) ՃէՎԱՀԻՐՃԵԱՆ ԵՒ ԴՈՒՍՏՐԸ ԲԵՐՈՒԶ ՃէՎԱՀԻՐՃԵԱՆ, ՊՈԼՍԵՑԻ.** — 1913ին ուխտաւորութեամբ կ'այցելեն Ս. Յակոբի վանքը, Պոլիս վախճանած իրենց որդւոյն և եղբորը Գաբրիէլ Ճիվանիրճեանի յիշատակին Ս. Յակոբի վանքին կը կտակեն հազար եգիպտ. ոսկւոյ գումար մը (Արճուր. Տն. Ժողովի, 1920, մարտ 27, նիստ ձիւր): Աղանի 1926 մայիս 30ին կը վախճանի և մարմինը կ'ամփոփուի իր դստեր (✱ 1924) գերեզմանին մօտ: Ասոնց կտակած գումարը յատկացուած է Ազգ. Նախակրթարանի վերաշինութեան ծախուց և յիշեալներուն համար յիշատակարան մը զետեղուած է այդ նոր շէնքի հիման մէջ, 1928 Ապրիլ 26ի օրը տեղի ունեցած հիմնարկութեան առթիւ:

**ԱՇՈՏ ՎՐԴ. ՍԱՐԳԻՍԵԱՆ.** — (Տե՛ս էջ 24) կը վախճանի 27 յուլիս 1929ին, Երուսաղէմի մէջ:

**ԱՍՏՈՒԱԾԱՏՈՒՐ ՊԵ. ՄԵՐՏԻՆՑԻ.** — (Տե՛ս էջ 32). իր պարք. ընտրութեան մասին՝ տեսնել Յովհաննէս կրդ. Թղլուրսնցի, էջ 361—362):

**ԱՏՈՎՄ ԱԲ. ՄՈԿԱՑԻ.** — Ժե. դարու սկիզբը Երնջակի Ապրակունեաց վանքին արեղաներէն մին, որ Քաղկեդոնական դարձաւ, բայց զղջալով՝ ապաշխարութեան համար Երուսաղէմ